

07.14

16. júní 93 - Mál.

Kvennalist- inn skorar á konur að láta að sér kveða

VORPING Kvennalistans haldið að Núpi í Dýrafirði 11.-13. júní 1993 heitir á konur um allt land að búa sig undir sveitarstjórnarkosningar 1994, segir í fréttatilkynningu frá Kvennalistanum.

Ennfremur segir: „Framundan eru miklar breytingar í sveitarstjórnarmálum og ber þar hæst áform um sameiningu sveitarfélaga. Kvennalistinn hvetur konur til að taka afstöðu til þessara áforma og hafa áhrif á þróun heimabyggðar. Konum fækkaði í sveitarstjórnum í síðustu kosningum. Viðhorfa kvenna gætir allt of lítið í sveitarstjórnum landsins til mikils skaða fyrir okkur öll, konur, karla og börn.“

OV Kvennalistinn:

15.
júní
1993

Eigum erindi í ríkisstjórn

„Það er almennt stemmningin að Kvennalistinn eigi erindi í ríkisstjórn og okkur finnst ástæða til að reyna að komast í þannig aðstöðu að við getum haft áhrif. Þetta er reynðar ekki nýtt. Fyrir síðustu kosningar var það álit margra að Kvennalistinn ætti að fara í ríkisstjórn,“ segir Anna Ólafsdóttir Björnsson, þingkona Kvennalistans.

Kvennalistakonur ræddu þessi mál á vorþingi sínu um helgina og þar kom fram vaxandi áhugi á þátttöku í ríkisstjórn. „Við erum afskaplega óánægðar með ríkisstjórnina eins og hún er núna og svo erum við búnar að vera utan stjórnar í tíu ár og því kannski kominn timi til. Við erum í stjórnmalum til að hafa áhrif.“ segir hún.

-GHS

Kvennalistakonur vilja fá að stjórna

„Nýir hugmyndavindar þurfa að blása um íslenskt samfélag með tilheyrandi pilsaþyt og er löngu tímabært að Kvennalistakonur komist þangað sem ráðum er ráðið,“ segir í orðsendingu frá Kvennalistanum um niðurstöður vorþings listans að Núpi í Dýrafirði um helgina. Á þinginu kom fram sterkur vilji Kvennalistakvenna til þess að taka sæti í næstu ríkisstjórn.

„Kvennalistakonur treysta núverandi ríkisstjórn ekki til þess að jafna áfallinu réttláttlega niður á landsmenn og enn síður til að horfa til

framtíðar og undirbúa þá stórsókn sem þarf að hefja í atvinnumálum,“ segir ennfremur í orðsendingunni.

Á þinginu var einnig rætt um

vætanlegar sveitarstjórnakosningar og var samþykkt sérstök ályktun þar sem skorað er á konur að gefa kost á sér í sveitarstjórnir. Í umræðum um heimsmálin var niðurstöða kvennanna sú að losa þyrfti íslenska utanríkisstefnu úr „hlekkjum kaldra stríðsins og skilgreina upp á nýtt það hlutverk sem við ætlum okkur í samfélagi þjóðanna“. GS.

Tíminn 16. júní 1993